



## Vita de ploania y de paisc



**A tü fedei, Signur, ne ven la vita nia tuta, mo trasformada.**

La ploania á tut comié da **Martha Erlacher Feichter** († 20.10.2021, 67 agn). Ai familiars va nostes condolianzes por la mort dla fomena, mama, lâ y so. Che le Signur toli sö söa anima te söa abitaziun lominosa de ligreza y de pêsc!

- **La Musiga d'La Pli** envieia en **sabeda ai 30 d'otober**, ales 20:00 te Ciasa dles Uniuns, al concert "**Herbstkonzert - Musik und Lyrik im Herbst**". L'entrada é ma con **green-pass** y i posc é limités.
- **Joneza/1:** la SKJ - Joneza d'La Pli ten eniann endô la **sontada generala**. En **sabeda ai 6 de november** ésera tan ennant: i s'encontun ales 20:00 te salf dles manifestaziuns por traté i punc dal de y sté spo dedô adöm pa val' de bun da mangé y da bere y ciaré deboriada zoruch a ci co é gnü fat y ennant a ci co s'aspetta tal dagní. S'aspetun en trec!
- **Joneza/2:** al ven endô venü **barantli**. Eniann esera tan ennant en **sabeda ai 30 d'otober** dles 8:00 ennant ete dal zenter de reziclaje da Ciamaor. La venüda de barantli jará ennant cina che al n'é.

## 1 Enformaziuns y termins

**Preparaziun al Bato:** l'Uniun dles Eres Catoliches dal decanat Val Badia, envieia düc i geniturs co á na picia möta o n picio möt da bacé, pers co aspetta, toc y totes, ala preparaziun dal Bato, co ven tignida en **sabeda ai 13 de november**, dales 15:00 ales 17:00, te salf de calogna a **San Ciascian**. Se enconfortun da se odei trec y i slüjarun jö con sté ciamó n pü adöm a s'la cunté y con n picio renfresch, che l'Uniun dles Eres da San Ciascian nes arjignará ca. Preitambel se prenoté al ☎ 334 3200396.

**Ora de stories por mituns da 3 a 6 agn:** i te enviun der bel ai 29 d'otober ales 16:00 tal salf dal Istitut Ladin a San Martin. I te cuntarun la storia dla vacia balarina y dedô podunse düc n pü' balé. Ales 17:00 pó töa mama o to tati endô gní a te tó.

**„Neppe Cristo è riuscito ad accontentare tutti.  
Non prendiamocela troppo se non riusciamo noi.“**

*Papa Giovanni Paolo I*

<b>Döt le bun a:</b>	Maria Vittoria Pedevilla Gasser, <i>Porsenú</i>	* 24.10.1936
	Hubert Feichter	* 28.10.1939
	Anna Alma Rubatscher Zappellano, <i>Sterzing</i>	* 29.10.1941
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le **dedemesaledema** sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann B

24.10.2021 - 30. domegna ia por l'ann

n. 48

## Con Gejú Crist sön tru

📖 **Ier 31, 7–9 | Ebr 5, 1–6 | Mc 10, 46–52**

### Dal Vangelo do San Merch:

Te chel tomp <sup>46</sup>canche Gejú â lascé Ierico con sü discepui y con na gran meja de jont, èl n petler verc sonté sön ur de strada, Bartimeus, le fi de Timéus. <sup>47</sup>Pornanch'al â aldí, ch'al ea danló Gejú da Názaret, ál motü man da scraie dadalt: Fi de Davíde, Gejú, menete picé de me! <sup>48</sup>Trec le brunterâ ch'al dea scuté. Mo al scraia ciamó plü dassenn: Fi de Davíde, menete picé de me! <sup>49</sup>Gejú é sté chit y á dit: Cherdedele ca! Ai á cherdé le verc y ti á dit: Ais coraje, lea sö, al te cherdá. <sup>50</sup>Danló ál sciüré demez so mantel, é salté sö y ti é jü pormez a Gejú. <sup>51</sup>Gejú l'á damané: Ci dessi pa fa por te? Le verc á respognü: Rabuni, ch'i pói endô odei. <sup>52</sup>Danló ti á Gejú dit: Va! Töa fede t'á salvé. Te chel momont ál endô odü, y al ti é jü do a Gejú sön so tru.

**I ponsun do:** *Gejú é sön tru da jí a Ierúsalem.*

*I discepui l'acompaneia, mo ai ne capesc nia*

*le significat de cösc tru. Bartimeo sâ de söa*

*vercité y al sâ ince a che ch'al damaná aiüt.*

*Pornan ch'al veiga, ti val do a Gejú.*

*Nos messun entrés endô, desco le verc, perié*

*che Chel Bel Dio se daüri i edli. Spo podunse ti*

*jí do a Gejú sön le tru a Ierúsalem. La cherdada*

*d'aiüt de Bartimeo pó s'accompagné desco*

*oraziun permanenta sön cösc tru.*

**I periun:** *Dio onipotent, tö es con nos sön tru.*

*Daüresse i edli a töa presenza y a to aiüt te*

*nosta vita. Por Crist, nosc Signur.*

*Vesco Wilhelm Egger "Sonntagsbibel"*



📖 **Letöres dla 31. domegna ia por l'ann:**

**Deut 6, 2–6 | Ebr 7, 23–28 | Mc 12, 28b–34**

Edema liturgica dai 24.10. ai 31.10.2021

<b>DOM 24.</b>	<b>30. domegna ia por l'ann</b> <b>DOMEGNA DLA DLIJIA UNIVERSALA, DLES MISCIUNS</b> <b>Festa dai Ministronc</b> → <i>oferta por les misciuns</i>	Antone Maria Claret, Martin
<b>08:30</b>	→ <i>te Ciasa dles Uniuns: gran messa</i> por dōta la ploania s.m. por vis y †† de Lūchesc	♫ <i>Minichor Bruneck</i>
10:00	s.m. a Al Plan	
<b>Lön 25.</b>	<i>Chrisant y Daria, Crispin y Crispinian</i>	
18:00	s.m. a Al Plan	
<b>Ded 26.</b>	<i>Amando, Sigibald</i>	
<b>07:30</b>	s.m. de rengraziamont por la fam. Jep y Emma Willeit, Soratrú s.m. por †† Hermann y Carlo Ploner, Corterei	
<b>Dem 27.</b>	<i>Wolfhard, Antonia</i>	
<b>Jöb 28.</b>	<i>festa dai sanc Sciomun y lūda Tadeus apostui, Alfred le Gran</i>	
<b>19:30</b>	<b>2. s.m. de sopoltōra por † Martha Erlacher Feichter</b> s.m. d'aniversar por † Maria Maneschg ved. Comploi, Curt s.m. por †† da Parü	
<b>Ven 29.</b>	<i>Feruzio, Narzisius, Ermelinda</i>	
→ 19:30	<b>oraziun da Taizé</b>	
<b>Sab 30.</b>	<i>Sabeda de Santa Maria   Bernhard, Alfons</i>	
<b>07:30</b>	s.m. por fam. Tone y Clara Frontull, Mareo s.m. por † Albina Pedevilla, La Munt/Gsies	
18:00	s.m. prefestia a Al Plan	
<b>DOM 31.</b>	<b>31. domegna ia por l'ann</b> <i>Wolfgang, luta, Notburga</i>	
<b>08:30</b> ora normala!	<b>gran messa</b> por dōta la ploania <b>3. s.m. de sopoltōra por † Martha Erlacher Feichter</b> s.m. de rengraziamont por fam. Jan y Teresa Taibon, La Pli s.m. d'aniversar por †† Pire y Rosa Willeit, Sach → <b>corona dla comunité por † Martha Erlacher Feichter</b>	<i>oferta por la ploania</i>
10:00	s.m. a Al Plan	
<b>ampola:</b>	por fam. Jan y Teresa Taibon, La Pli	
<b>ministronc:</b>	• <b>dedolōnesc y sabeda:</b> Damian y Jonas • <b>jōbia y domegna:</b> Francesco O. y Matteo	
<b>i recordun:</b>	Edelberta Costa Hochwieser † 25.10.2011 Pire Willeit † 28.10.2018 Maria Maneschg ved. Comploi † 29.10.2019	



Oraziun dai "Minis"



Gejú Crist, tō s'as cherdé tla comunité dai cristians.  
Canche i s'encuntun te to ennom este tō pa nos.  
Y de cōsc te sunse reconoscionc.  
Tla Santa Messa orunse Te sorví te y dōta nosta comunité.  
Iolan che T'es entrês pa nos. - Amen.



Lita dal Consei de Ploania – 24.10.2021



*La Dlijia é via, deach'ara vir dal'abondanza dles scincundes dla grazia de Dio. Düc, chi co é bacés, é cherdés da sté ete con so carisma. N carisma é dagnora na scincunda por i atri, por che la Dlijia pói ensciö ademplí ennant sōa misciun.*

*Al é scincundes desvalies dla grazia, mo ma önn n Spirit.  
Al é sorvisc desvalis, mo ma önn n Signur.  
Al é forzes desvalies co opereia, mo ma önn n Dio:  
Al opereia döt te döt.  
A vignönn ti vegnel scinché la revelaziun dal Spirit,  
por ch'ara ti joi ai atri. (1 Corinc 12,4-7)*

**I periun:** O Dio, tō opereies döt te döt. To Spirit nes á tut sō, tres le bato, tal corp dla Dlijia. I te dijun iolan por düc chi co se met al sorvisc con so carisma, sü talenc y söes facultés y co ti dá ensciö ala vita dla Dlijia richeza y raiaziun, credibilitè y profunditè. Dásse forza da dé, önn por l'ater y önn con l'ater, testimonianza de to amur co ne slüj fora degügn. Do cōsc periunse por Gejú Crist, nosc redentur y salvatur, co vir y regneia con te y con le Spirit Sant por dōta l'eternité. *Gotteslob 678.1*

**ENVIT:** le consei de ploania y signor ploan envieia düc sora 16 agn a tó pert ala lita dal consei de ploania encö, **domegna 24 d'otober, dles 8:00 ales 8:30 y do messa fina les 17:00, te calogna bas ete.** Dal consei fajará pert, adöm a signor ploan, 8 membri lités. I periun porchel da ti dé Ostes usc de preferonza a **4 (cater)** de cōstes porsones ch'i eis dé dant pla prelita y co se met a despoziziun por la comunité tai proscimi 5 agn:



- Agreiter Jan, *Brach*
- Ellecosta Peslazz Veronica, *La Pli*
- Facchini Alfons, *La Pli*
- Fischnaller Markus, *Pliscia*
- Frontull Roman, *Biei daete*
- Palfrader Willeit Tresele, *Curt*
- Pescollderungg Ellecosta Heidi, *Fordora*
- Pezzei Kastlunger Brigitte, *Pliscia*
- Pitscheider Fabian, *La Pli*
- Rigo Franz, *Matlogn*
- Rigo Erlacher Manuela, *La Pli*
- Rindler Willeit Emma, *La Pli*
- Taibon Lois, *La Pli*